



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:01-05-6-505-2/19  
Datum: 20.03.2019.godine

**OPĆINSKO VIJEĆE**

**Predmet:** Odgovor na vijećničku Inicijativu, dostavlja se.-

Na 26. Sjednici Općinskog vijeća Tešanj koja je održana 28.02.2019.godine vijećnik **Kasim Huskić** je postavio vijećničku inicijativu

- za izjednačavanje dječijeg dodatka na prostoru FBiH.

**ODGOVOR:**

Na prostoru ZDK trenutno je isplata dječijeg doplatka regulisana je Zakonom o socijalnoj zaštiti, zaštiti civilnih žrtava rata i zaštiti porodica sa djecom. Tako je u Zeničko-dobojskom kantonu, ali i u ostalim Kantonima F BiH. Dakle, Inicijativa se ne odnosi na aktivnosti iz nadležnosti Općine. Članom 56. točka 6. Poslovnika o radu OV-a, definisano je da OV ili vijećnici mogu pokrenuti aktivnosti iz nadležnosti Općine o bilo kojoj stvari, ali ovo nije u direktnoj nadležnosti za odlučivanje.

**Dostavljeno:**

1. Naslovu
2. Arhiva



**OPĆINSKI NAČELNIK**  
**Mr.sci. Suad Huskić**



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Datum: 01-05-6-497/19  
Broj: 15.03.2019.godine

**OPĆINSKO VIJEĆE OPĆINE TEŠANJ**

**PREDMET:** Mišljenje na vijećničku inicijativu, dostavlja se.-

Na 26. sjednici Općinskog vijeća Tešanj koja je održana 28.02.2019. godine vijećnik Munevera Alić je podnijela inicijativu donošenja Odluke o izmjeni Odluke o nazivima i označavanju ulica, trgova i označavanju objekata brojevima na području Općine Tešanj.

**Mišljenje**

Općinsko Vijeće Tešanj je dana, 31.03.2015.godine na svojoj 28. sjednici donijelo Odluku o nazivima i označavanju ulica, trgova i označavanju objekata brojevima na području Općine Tešanj, kojom su definisani obuhvati ulica, trgova kao i oznake na objektima.

Prema datom obrazloženju podnešene inicijative ovim putem navodimo slijedeće; u- pogledu navoda da je član 2. stav 1. Odluke i član 3. stav 1. tačka 41. i 46. Odluke o nazivima i označavanju ulica, trgova i označavanju objekata brojevima na području Općine Tešanj ("Službeni glasnik Općine Tešanj", broj: 3/15 2/16, 4/17 ) kontradiktorni, ističemo slijedeće, da član 2. stav 1. nije u suprotnosti sa članom 3. stav 1. tačka 41. i 46., iz slijedećih razloga;

- u članu 1. Odluke određena su područja koja važe samo za ovu Odluku i nose naziv; Tešanj, Jelah i Tešanjka , koji se odnose na ulice, a u istom članu je rečeno da se ulice mogu formirati i u drugim naseljenim mjestima, pogotovo jer se jedna ulica može protezati kroz više naseljenih mjesta, pa tako u konkretnom slučaju navedena ulica Put Bege Jacića nalaze dijelom u obuhvatu naseljenog mjesta Miljanovci, te dijelom u naseljenom mjestu Novi Miljanovci, ulica Braće Omerbašić se nalazi u dijelom naseljenom mjestu Jelah Polje, dijelom u naseljenom mjestu Novi Miljanovci i dijelom u naseljenom mjestu Miljanovci,
- podjela tih dijelova ulice u navedenim naseljenim mjestima je jasna i nepromjenjiva, budući da je granica istih određena poligonom ulica, a granice su određene i usvojene na općinskom vijeću, potrebno je istaći da primjera da se jedna ulica nalazi u više naseljenih mjesta imamo na više lokacija, i to; u Tešnju npr. Ulica Senada Hodžića obuhvata dijelove naseljenih mjesta Dobropolje i naseljeno mjesto Tešanj, ulica Patriotske lige obuhvata dio naseljenog mjesta Raduša i naseljenog mjesta Tešanj.

Prema datoj inicijativi bilo bi potrebno mijenjati granice naseljenih mjesta, što bi dodatno usložilo situaciju, jer bi trebalo pribaviti saglasnosti organa mjesnih zajednica, pribaviti saglasnost građana, a praksa je pokazala da je teško pribaviti sve saglasnosti, da bi se izmijenio obuhvat naseljenog mjesta, da se skрати ulica Braće Omerbašić i ukine ulica Bege Jacića suštinski ništa se ne bi desilo samo bi usložili situaciju zbog već usvojene evidencije o kućnim brojevima.


Potrebno je takođe napomenuti da je na inicijativu mještana i dat prijedlog naziva ulice "Put Bege Jacića", što je prihvaćeno od strane općinske komisije nadležne za nazive ulica i kao takva je usvojena na vijeću.

Takođe napominjemo da nije preporučljivo često mijenjati usvojene Odluke o adresama, odnosno u konkretnom slučaju ulice i obuhvate, jer to izaziva dodatne troškove, ne samo za građane i općinu stvara troškove promjene kako za izradu i postavljanje pločica, tako znatno utiče i na ustrojene službene evidencije ne samo ovog organa, nego i drugih nadležnih organa kojima je u radu bitan podatak tačna adresa, odnosno tačan naziv ulice i kućno broj.

Analizirajući podnesenu Inicijativu vezanu za izmjenu naprijed navedene Odluke, smatramo da podnesena Inicijativa nije prihvatljiva i da nema elemenata za izmjenu Odluke o nazivima i označavanju ulica, trgova i označavanju objekata brojevima na području Općine Tešanj.

U prilogu obuhvat ulica iz navedene inicijative.


**OBRADIVAČ:**  
**Služba za katastar, urbanizam  
i imovinsko-pravne poslove**



  
NADIR Medarić, dipl. ing. geodezije


**OPĆINSKI NAČELNIK**

  
Mr. sci. SUAD Huskić





-  - naseljeno mjesto Miljanovci
-  - naseljeno mjesto Novi Miljanovci



- naseljeno mjesto Miljanovci
- naseljeno mjesto Novi Miljanovci
- naseljeno mjesto Jelah-polje



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-05-6-506-3/19  
Datum: 15.03.2019. godine

**OPĆINSKO VIJEĆE  
O V D J E**

**PREDMET:** Mišljenje na vijećničku inicijativu, d o s t a v l j a s e , -

**Na 26. Sjednici Općinskog vijeća Tešanj koja je održana 28.02.2019.godine vijećnik Kasim Huskić je postavio vijećničku inicijativu**

-Zabrana rada kladionica na prostoru općine Tešanj od obrazovnih, zdravstvenih i vjerskih objekata na udaljenosti od 500,00 m.

**MIŠLJENJE**

Zakonom o igrama na sreću propisano je da Federalni ministar finansija izdaje odobrenje za priređivanje igara na sreću. Prilikom izdavanja dozvole potrebna je i saglasnost Općine za uslovnost prostora. Općina je od usvajanja novog zakona imala trinaest zahtjeva i svi su odbačeni kao nepotpuni, nije izdala niti jednu saglasnost. Imajući u vidu da je Zakonom definisana udaljenost od školskih i vjerskih objekata, nemamo mogućnost uticaja.

Podnošenje Inicijativa u okviru Zakona o igrama na sreću je u nadležnosti Vlade i Parlamenta FBiH, a Inicijativa u smislu pooštavanja kriterija udaljenosti idr. upućivana je u junu 2015. godine od strane Općinskog načelnika i ista nije prihvaćena.

Članom 89. Zakona o igrama na sreću propisano je da se uz zahtjev za izdavanje odobrenja za priređivanje kladioničkih igara za prostore u kojem se nalaze uplatna mjesta, između ostalog prilaže i dokaz da se isti ne nalazi na udaljenosti manjoj od 100 metara od vjerskih objekata, te osnovnih i srednjih škola.

**OBRADIVAČ**

**Služba za finansije, privredu, komunalne i  
inspeksijske poslove**  
Hamzaliya Hojkurić, dipl.ecc.

**OPĆINSKI NAČELNIK**

Mr. Sc. Suad Huskić, profesor





**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-05-6-5-511-2/19  
Datum: 11.03.2019. godine

**OPĆINSKO VIJEĆE TEŠANJ**

**PREDMET: Odgovor na vijećničko pitanje,  
d o s t a v l j a s e . -**

Na 26. sjednici Općinskog vijeća Tešanj održanoj 28.02.2019. godine vijećnik Hasan Galijašević je postavio vijećničko pitanje koje glasi:

**„Ko je zadužen za održavanje putne dionice na dijelu između kružnog toka pa do centra grada? Da li su poduzete mjere, ako nisu da li se planiraju, zbog loše izvedenih radova prilikom presvlačenja asfalta na toj dionici?“**

**Odgovor:**

Direkcija za ceste ZE-DO kantona je zadužena za održavanje regionalnih cesta pa i navedene dionice od Kružnog toka do centra grada. Više puta smo pisali Direkciji za ceste vezano za ovaj problem pa i nedavno na sastanku od 08.03.2019.godine u Općini, smo istakli ovaj problem gdje je dato obećanje da će obavezati vlasnike instalacija na kolovozu regionalne ceste da otklone problem koji je nastao slijeganjem istih što je stvorilo neprirodna ulegnuća koja su postala smetnja bezbjednom odvijanju saobraćaja.

**Dostavljeno:**

1. Općinsko vijeće,
2. Arhiva.

**OBRADIVAČ:**

Služba za finansije, privredu, komunalne i  
inspekcijske poslove

Hamzaliya Hojkurić dipl.ecc.

**PREDLAGAČ:  
OPĆINSKI NAČELNIK**

Mr. Sc. Suad Huskić





**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-05-6-514-2/19  
Datum: 11.03.2019. godine

**OPĆINSKO VIJEĆE TEŠANJ**

**PREDMET: Odgovor na vijećničko pitanje,  
d o s t a v l j a s e . -**

Na 26. sjednici Općinskog vijeća Tešanj održanoj 28.02.2019. godine vijećnik Šemsudin Klepić postavio je sljedeću vijećničku inicijativu:

**„Da nadležna Općinska služba postavi fizičke prepreke tkzv, ležeće policajce na lokalnom putu u Novim Miljanovcima kod područne O.Š. „Džemal Bijedić.“**

**Mišljenje:**

Pošto je postala praksa da nam se odmah nakon postavljanja vještačkih prepreka za smirivanje saobraćaja građani žale i traže njihovo ukidanje zbog narušavanja mira u noćnim satima i uticaja vibracija na objekte, Služba nadležna za poslove saobraćaja izvodi postavljanje umjetnih izbočina isključivo po zahtjevu Savjeta i Skupštine MZ-e, a shodno Pravilniku o postavljanju istih.

Aktivnosti na smirivanju saobraćaja provode se uglavnom gdje je bezbjednost pješaka zbog brze vožnje dovedena u pitanje, uz prethodnu konsultaciju sa saobraćajnom policijom PU Tešanj. Tragom podnesene inicijative konsultirat ćemo organe MZ Novi Miljanovci.

**Dostavljeno:**

1. Općinsko vijeće,
2. Arhiva.

**OBRADIVAČ:**

Služba za finansije, privredu, komunalne i  
inspeksijske poslove

*Hamzalija Hojkurić*  
Hamzalija Hojkurić dipl.ecc.

**PREDLAGAČ:  
OPĆINSKI NAČELNIK**

*Mr. Sc. Suad Huskić*  
Mr. Sc. Suad Huskić, profesor







**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-05-6-513-2/19

Datum: 11.03.2019. godine

**OPĆINSKO VIJEĆE TEŠANJ**

**PREDMET: Odgovor na vijećničko pitanje,  
d o s t a v l j a s e . -**

Na 26. sjednici Općinskog vijeća Tešanj održanoj 28.02.2019. godine vijećnik Hasan Galijašević postavio je sljedeću vijećničku inicijativu:  
**„Za postavljanje zaštitne mreže na dijelu ceste od katoličke crkve prema Domu kulture.“**

**Mišljenje:**

Općina Tešanj je rješavanje ovog problema inicirala više puta ranije.

Obzirom da se radi o Regionalnoj cesti R-474 čije održavanje je u nadležnosti Kantonalne Direkcije za ceste i u isto vrijeme o gradskoj zoni, u predlaganju rješenja za stabilizaciju stijene vođeno je računa o bezbjednosti odvijanja saobraćaja za korisnike ceste a i da se predloženo rješenje uklopi arhitektonski u postojeći ambijent.

Zbog navedenog razloga Upravitelj ceste se nije odlučio za postavljanje klasičnih zaštitnih mreža i urađen je Glavni projekat Stabilizacije zasjeka na regionalnoj cesti R-474 koji trajno rješava problem odrona sa stijene pored Doma kulture u Tešnju.

Imamo informaciju od upravitelja da će u 2019. godini uz pomoć općine raditi na pribavljanju dozvola i potrebnih saglasnosti te kompletirati finansijsku konstrukciju za 2020.godinu, budući da je procjena troškova skoro 300.000,00KM.

**Dostavljeno:**

1. Općinsko vijeće,
2. Arhiva.

**OBRAĐIVAČ:**

Služba za finansije, privredu, komunalne i  
inspekcijske poslove

Hamzaliya Hojkurić dipl.ecc.



**PREDLAGAČ:  
OPĆINSKI NAČELNIK**

Mr. Sc. Suad Huskić, profesor



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-05-6-509/19  
Datum, 11.03.2019. godine

**OPĆINSKO VIJEĆE TEŠANJ**

**Predmet: Odgovor na vijećničko pitanje  
d o s t a v l j a s e-**

**Dopisom od 28.02.2019. godine vijećnik Nermin Deljić iz SDP je postavio vijećničko pitanje:**

“Zašto poznato tešanjско izletišta Kiseljak, poznato i u bivšoj državi nema bolji sjaj?”

**Odgovor:**

U 2018. godini je općina Tešanj, kako bi inicirala obnovu i razvoj Kiseljaka objavila javni poziv za zakup prostora i zakup bazena. Ugovorili smo održavanje i nadzor/zaštitu za već postojeće objekte sa preduzećem OAZA, dok za obnovu i upravljanje bazenom nije bilo zainteresiranih. Zbog toga je u 2018. pokrenuta prva faza obnove bazena u vrijednosti cca 60.000 KM.

Osim toga, investicijom OAZE u novi proizvodni objekat usaglašeni su i neki zajednički prioriteti općine Tešanj i OAZE za uređenje infrastrukture. Tako je 2018. godini OAZA osim uređenja vlastitog prostora investirala u javnu površinu (postavljanje ivičnjaka, ucjevljenje površinskih voda i dr.) dok je općina ugovorila proširivanje mosta sa obje strane te uradila određena ulaganja u rasvjetu. Radovi na mostu su izvedeni u martu 2019. godine.

U prvoj fazi obnove bazena koji je realizovala općina, usmeno je usaglašena saradnja Općine Tešanj, JU Sportsko rekreacioni centar Tešanj, OAZE i Belifa za dalji period. U narednih 15 dana očekujemo potpisivanje i sporazuma.

Usvajanjem Budžeta za 2019. godinu osigurana su sredstva za kompletiranje investicije na bazenu i javna nabavka vrijednosti cca 100.000 KM je već u toku. Uporedo s tim, kod UNDP-a je kandidovan dodatni projekat vrijednosti cca 40.000 KM, koji je u završnoj fazi odabira. Redovno čišćenje prostora izletišta radi se kroz Program komunalne higijene.

Planiranim investicijama općine Tešanj i podrškom drugih subjekata očekujemo da ćemo uraditi značajne korake na revitalizaciji izletišta Kiseljak.

S poštovanjem.

**Dostavljeno:**

1. Općinsko Vijeće  
2. Arhiva.



**OPĆINSKI NAČELNIK**

Mrsci. Suad Huskić



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:01-05-6-515-2/19

Datum: 20.03.2019.godine

**OPĆINSKO VIJEĆE**

**Predmet:** Odgovor na vijećničko pitanje, dostavlja se.-

Na 26. Sjednici Općinskog vijeća Tešanj koja je održana 28.02.2019.godine vijećnik Pilav Elvir je postavio vijećničko pitanje:

**„Zbog čega je poništen Oglas, raspisan 9.februara 2019.godine, koji se odnosi na poziciju Diplomirani edukator-rehabilitator u Centru za rani rast i razvoj?“**

**ODGOVOR:**

Nadležna Služba je po primitku delegiranog vijećničkog pitanja odmah zatražila odgovor od JZU Dom zdravlja “Izudin Mulabećirović Izo” Tešanj, te je dobivena informacija koju dostavljamo u Prilogu.

**PRILOG:** 1. Informacija,

**Dostavljeno:**

1. Naslovu
2. Arhiva



**OPĆINSKI NAČELNIK**  
**Mrsci. Suad Huskić**

Broj	1165/19
Datum	19.03.2019

JZU Dom zdravlja „Izudin Mulabećirović-Izo“ Tešanj

**Predmet: Odgovor na vijećničko pitanje broj 01-05-6-515/19 sa 26.sjednice OV Tešanj održane 28.02.2019 godine**

Dana 09.02.2019 godine objavljen je Oglas u dnevnom listu „Oslobođenje“ i na WEB stranici naše ustanove za prijem u radni odnos na određeno vrijeme za radno mjesto „Diplomirani edukator-rehabilitator u Centru za rani rast i razvoj“.

Nakon završetka roka za prijem prijava na konkurs zasjedala je Komisija za provedbu konkursne procedure koja je imenovana od strane v.d.direktora i donosi zaključak i preporuku: „S obzirom da se nijedan član komisije ne smatra dovoljno kompetentnim da obavi intervju sa prijavljenim kandidatima za radno mjesto Diplomirani edukator-rehabilitator u Centru za rani rast i razvoj, predlaže se poništavanje Oglasa i ponovno raspisivanje uz imenovanje Komisije za provedbu konkursne procedure u koju će biti uključeni članovi koji su ili već bili angažovani u Centru za rani rast i razvoj ili direktno imaju dodira u svom radu sa Centrom za rani rast i razvoj“

Nakon te preporuke 22.02.2019 godine v.d.direktor donosi Odluku o poništavanju Oglasa za prijem u radni odnos na određeno vrijeme za radno mjesto „Diplomirani edukator-rehabilitator u Centru za rani rast i razvoj“.

Dana 16.03.2019 godine u dnevnom listu „Oslobođenje“ i na WEB stranici naše ustanove ponovno se objavljuje Oglas za prijem u radni odnos na određeno vrijeme za radno mjesto „Diplomirani edukator-rehabilitator u Centru za rani rast i razvoj“, pod istim uslovima kao i 09.02.2019 godine.

Na osnovu ranije preporuke Komisija za provedbu ove konkursne procedure će u sastavu imati članove koji su bili i članovi Radne grupe za reaktivaciju rada Centra za rani rast i razvoj.

Ovim putem moram spomenuti da u periodu od kada sam na poziciji v.d.direktora JZU Dom zdravlja „Izudin Mulabećirović-Izo“ Tešanj od 20.12.2018 godine pa sve do danas, nijedan uposlenik nije primljen u radni odnos bez konkursnih procedura koje su provedene na osnovu Pravila za provođenje procedure zapošljavanja naše ustanove usvojenih u decembru 2018 godine od strane Upravnog odbora. Provedeno je 5 konkursnih procedura i nije uložena nijedna žalba na donesene odluke o prijemu određenih kandidata.

Sa poštovanjem i željom za uspješnu dalju saradnju

U Tešnju 19.03.2019 god

OPĆINA TEŠANJ  
19. 03. 2019

OTG. broj	Klasifikacija	Broj	Str.
01-05-6-	515	19	





**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:01-05-6-498-5/19

Datum: 13.03.2019.godine

**OPĆINSKO VIJEĆE**

**PREDMET:** Odgovor na vijećničko pitanje, dostavlja se

Na 26. Sjednici Općinskog vijeća Tešanj koja je održana 28.02.2019.godine vijećnik Senad Hasanbašić je postavio vijećničko pitanje:

**„Obzirom da je MZ Trepče sa prethodnim direktorom JU Dom zdravlja Tešanj dogovorila angažovanje ljekara u ambulanti Trepče tri puta sedmično i za isto obezbijedila sve dogovorene preuslove, zašto Dom zdravlja ovaj dogovor još uvijek nije realizovao?“**

Na postavljeno vijećničko pitanje dajemo slijedeći odgovor:

Općinska Služba po prijemu vijećničkog pitanja odmah zatražila odgovor od JZU Dom zdravlja “Izudin Mulabećirović Izo” Tešanj, te je dobivena informacija koju dostavljamo u Prilogu. Predstavnicima MZ Trepče savjetujemo da obnove razgovore sa direktorom JU Dom zdravlja Tešanj i eventualno dogovore dodatno angažovanje doktora, naravno u skladu sa mogućnostima i raspoloživim kadrovima JU Dom zdravlja “Izudin Mulabećirović Izo” Tešanj.

Prilog: Odgovor Doma zdravlja na postavljeno pitanje.

**Dostavljeno:**

1. Naslov,

2. a/a



**OPĆINSKI NAČELNIK**

**Mr.Sci. Suad Huskić**

JZU DOM ZDRAVLJA  
„IZUDIN MULABEĆIROVIĆ IZO“  
TEŠANJ

Broj	1170/19
Datum	19.03.2019

JZU Dom zdravlja „Izudin Mulabećirović-Izo“ Tešanj

Predmet: Odgovor na vijećničko pitanje broj 01-05-6-498-3/19 sa 26.sjednice OV Tešanj održane 28.02.2019 godine

Od 20.12.2018 godine kada sam preuzeo poziciju v.d.direktora ustanove pa sve do danas nisam dobio nikakav pisani dokument o spomenutom dogovoru između MZ Trepče i prethodnog direktora naše ustanove. Također, ni rukovodilac službe Porodične medicine dr.Prnjavorac-Rakić nikada nije dobila bilo kakav pisani dokument o dogovoru koji bi uključivao povećano angažovanje ljekara u ambulanti Porodične medicine u Trepču.

Ako se radi o nekakvim usmenim dogovorima između predstavnika MZ Trepče i prethodnog direktora naše ustanove, to niti želim da komentarišem, niti bi bilo korektno jer nisam prisustvovao takvim sastancima i ne mogu takvu vrstu dogovora da potvrdim.

Sa poštovanjem i željom za uspješnu dalju saradnju

U Tešnju 19.03.2019 god

VD direktor

dr.Amir Đujić  
spec.interne medicine



OPĆINA TEŠANJ

Primaljube	19. 03. 2019		
Prez. broj	Šifra općine	Šifra ustanove	Šifra poslovanja
01-	05-6-	498	/19